

Guolleváriiddikšunmáksu

Guolleváriiddikšunmávssu galgá máksit, jos lea 18-64-ahkásaš ja guolásta vuokkain dahje bivdosiin dahje bivdá reappáid. Guolleváriiddikšunmáksu addá vuoigatvuođa ovttá vuokkain guolásteapmái measta olles riikkas, muhtumin guollebivdi dárbbáša lassín čáhceguovllu eaiggáda lobi. Guolleváriiddikšunmávssuin dikšut guollečáziid ja guollenáiid sihke bearráigeahččat guollebivddu ja rávvvet guollebivdiid. Guolleváriiddikšunmávssu vuođđu lea guolástanlágas. Lassidieđuid oažžu Eräluvut.fi-siidduin ja bálvalannummiris 020 69 2424.

Máksingeatnegasvuohta

Guolleváriiddikšunmávssu galgá máksit jos lea 18-64-ahkásaš ja guolásta vuokkain dahje bivdosiin dahje bivdá reappáid.

Guolleváriiddikšunmávssu ii dárbbáš máksit, jus dušše oaggu, bilke dahje bivdá sallitvuokkain dahje lea vuollel 18-jahkásaš dahje jo deavdán 65 jagi. Guolleváriiddikšunmávssu oažžu goittotge máksit dallege – dat lea investeren lundui.

Guolástanvuoigatvuohta

Guolleváriiddikšunmáksu addá vuoigatvuođa guolástit vuokkain measta olles riikkas ja stáhta almmolaš čáhceguovlluin mearas. Mánnggain stákkuin guolásteapmi ja bivdosiiguin guolásteapmi gáibida guolleváriiddikšunmávssu lassín guolástanlobi čáziid guovdu. Daid vuovdá čáhceguovllu eaiggát, ovdamearkan stáhta čáziin Meahciráđdehus.

Ráddjehusat lea ráfáidahtton čáhceguovlluin, sierra lobi gáibidan sierračuozáhagain dahje guoika- ja rávdnječáziin main leat vádjolanguolit. Neahttabálvalus **Kalastusrajoitus.fi** sáhtta dárkkistit kártavuodus guolástangildosiid ja -ráddjehusaid. Guolleváriiddikšunmáksu ii atte vuoigatvuođa Álanddas.

Mávssuid geavahančuozáhagat

Meahciráđdehus máksá mávssuid mánotbajiid mielde eana- ja meahccedoalloministerijai. Čoggon ruđaiguin bajásdoallat guolástanvejolašvuođaid ja atnit fuola čáhceluondus.

Várit miedihuvvojit guolledoalloguovlluide guollenáiid suvdilis ávkkástallama ja dikšuma plánemii, čáhceguovlluide eaiggádiidda buhtadussan čáziid ávkkástallamis, organisašuvnnaide rávvenbálvalusaide ja guolástanbearráigeahččui sihke eará doaibmiide ja fidnuide, maiguin buoridit guliid eallindiliid.

Haddi ja fámusleahkin

45 € / jahki, 15 € / vahkku, 6 € / beaivi

Guolleváriiddikšunmávssus lea álo sáhka kaleandarjándoriin ja –jagiin, muhto vahkkomávssu fámusleahkima sáhtta álggahit ieš válljen vahkkobeavivis. Hattiid mearrida riikkabeavivt guolástanlágas.

Vuovdinbáikkít

- Eräluvut.fi-neahttagávpi
- Bálvalannummir 020 69 2424 (árgan dmu 9-16)
- Meahciráđdehusa lohpevuovdinbáikkít
- R-kioskkat (+ 3 €)

Máksinduođáštus

Guolleváriiddikšunmáksu lea persovnnalaš, muhto dan sáhtta skáhppot maidái nuppi olbmui. Lobi hálddašeaddjis galgá almmuhit nama, oktavuodadieđuid ja riegdánáigi (ii persondovddaldaga). Guolleváriiddikšunregistara bajásdoallá Meahciráđdehus.

Mávssus addojuvvon kuite lea duođáštus guolleváridmávssu máksimis. Máksinkuite galgá doallat mielde guolástettiin ja bivdedettiin čájehit virgeopmahažzii dahje guolástanbearráigeahččái báberhámis, plasttethámis dahje elektrovnnalažžan. Maidái guolástankoarta lea duođáštus guolleváriiddikšunmávssus. Dat sáddejuvvo olles jagi guolástanmávssu máksán olbmuide Suomu bládi mielde cuonjo-golggotmánus

Jus guollebivdis ii leat duođáštus mielde, son mearriduvvo galledit čieža beaivi siste bolesstašuvnnas čájehemiin duođáštus, ahte guolleváriiddikšunmáksu lei fámus guolástettiin.

Diehtosuodječilgehus

Guolleváriiddikšunmávssuid persondieđuid čoaggima ja ávkkástallama guoskevaš Diehtosuodječilgehus lea čujuhusas <https://verkkokauppa.eraluvat.fi/fi/tietosuojaoseloste>

Skáhppon ja máhchaneavttut

Guolástanlága 81 §:a mielde Meahciráđdehusas ii leat almmá sierra siva dihtii geatnegasvuohta doaimmahit ođđa duođáštus guolleváriiddikšunmávssu máksimis, jus olmmoš lea láchppán árabut ožžon máksinduođáštus. Seammá láchkai Meahciráđdehusas ii leat almmá sierra siva geatnegasvuohta máhchait boastut máksuojuvvon guolleváriiddikšunmávssu.

Jus olmmoš lea goittotge máksán guolleváriiddikšunmávssu olles áigodahkii guovtte geardde, badjelmearálaš máksu vuosttaš sajjs sirdojuvvo dinggoeaddji almmuhan kontui. Jus badjelmearálaš guolleváriiddikšunmávssu sirdin nuppi olbmo nammii ii leat vejolaš, badjelmearálaš máksu sáhtta máhchavvot.